

重修威縣志

第拾陸冊

威縣志卷二十

兵事志

後漢 晉 唐 五代 宋 明 清 民國

司馬法有言古者以仁義爲本以義治之之謂正正不獲意則權權出於戰又曰以戰止戰兵家尉繚子亦言兵者凶器也爭者逆德也故王者伐暴亂本仁義焉是知兵者不祥之物苟深體聖人不得已而用之意未嘗不可收戡亂之效否則一味黷武弄兵者即不祥之人世稱英國尊民衆德國崇英雄故德國戰事較英爲多亦較英爲酷此次歐戰德爲戎首即其明證何則英雄者強半好弄兵而與兵事相終始者也竊謂世多一英雄不如多一聖賢世人與其崇拜英雄亦不如崇拜聖賢即降格以求英雄必以聖賢之道陶鎔之方能造福社會而英雄二字之頭銜乃能不負若徒爭權奪利禍國殃民日以殺人爲職志將才愈多戰端愈萌世界亦愈無寧日又安用英雄爲戴石屏詩云豪傑不生機事息陸務觀詩云英雄何代不兒嬉鄭板橋詞云淘多少英雄閒氣然則世所謂英雄者本非救世弭亂不過弄機事好兒嬉

一種淘氣人物而已曠觀五六千年閒擷二十四史歷代兵連禍結有一非若輩釀成者乎

好弄兵者指盜國竊柄或割據一方及草澤沈吟揭竿起事等而言若威一地方官嬰城固守紳民捍衛地方乃爲職務所當然兩者不可混視

僻縣耳兩漢以來征伐攻取何代蔑有亦何非好兵者所波及昔魚豢嘗從隗禧問左氏傳禧曰左傳相斫書不足精意準斯以談兵事本不足紀錄茲所以立兵事志者不惟紀事實兼以昭炯戒且使冒名英雄者終無所藉口也

威在春秋屬晉東陽地在戰國屬趙地在秦屬邯鄲郡晉趙邯鄲兵事史不絕書惟數地轄境甚廣是否在今威縣域內不能確指威境有兵事明明載在史冊者則自漢靈帝中平元年始是時甘陵人反執其王以應張角遣北中郎將盧植討之

後漢書本

紀植圍張角於廣宗

今威縣

城垂拔帝遣小黃門左豐視軍求賂不得還言於帝曰廣

宗賊易破耳盧中郎固壘以待天誅帝怒檻車徵植還減罪一等以董卓代之

資治通鑑

十月皇甫嵩與黃巾賊戰於廣宗

後漢書本紀

張角弟梁衆精勇嵩不能尅明日乃閉營

休士以觀其變知賊意稍懈乃潛夜勒兵雞鳴馳赴其陳戰至晡時大破之斬梁獲

首三萬級角先已病死剖棺戮屍傳首京師

資治通鑑

按讀莊子讓王篇知古人以帝王爲畏途懼責任之重也讀太史公陳涉世家知後人以帝王爲樂事喜富貴之極也兩者劃若鴻溝是以三代前多治三代後多亂黃巾賊張角起事卽隱挾一王侯將相寧有種之思想而來其藉符水治病亦猶魚書狐鳴之故智也厥後凡鼎革時羣盜蜂起人人皆欲帝制自爲大都皆此不良之風習有以釀成之雖不久底定而無辜小民受其波及者亦不少矣

獻帝初平三年袁紹擊公孫瓚於界橋

北縣

先是公孫瓚擊青州黃巾賊大破之還

屯廣宗袁紹自往征瓚合戰於界橋南二十里紹將鞠義斬瓚將冀州刺史嚴綱又

破瓚殿兵於橋上瓚敗還冀

後漢書英雄記水經注三國志注

按自靈帝中平元年

甲子

至獻帝初平三年

壬申

中間相距僅九年前爲破黃巾賊是

草澤揭竿起事之亂後爲瓚紹互攻是羣雄割據之亂數年間屢遭兵禍威民何辜乃受此荼毒乎

右後漢兵事

晉懷帝永嘉四年二月漢石勒渡河攻廣宗清河諸縣降勒者九萬餘口四月晉幽

州都督王浚遣將祁宏敗其冀州刺史劉靈於廣宗斬之已又與勒戰於廣宗時置大霧宏引軍就道卒與勒遇爲勒所殺

晉書載記列傳賈治通鑑廣平府志鄉土志

按自漢獻帝初平三年至晉懷帝永嘉四年

庚午約一百十九年中間威境不受兵

禍者約百年然初平四年袁紹軍薄落津魏郡兵反與黑山賊于毒等共覆鄴城紹因還屯斥邱斥邱卽今成安縣地建安九年曹操擊袁尙將沮鵠於邯鄲是年復圍鄴城袁譚背之略取甘陵甘陵卽今清河縣地成安邯鄲清河距威境近者祇數十里遠者亦不過百里威雖非直接受兵禍而行李之往來貨物之貿易敗兵之竄擾度間接亦不能無影響且初平四年

癸酉

距初平三年僅一年建安九年

甲申距初平四年僅十二年何人心之不厭亂也

愍帝建興初年王浚使其將田徽爲兖州刺史保定陵

廣平府志今威縣西北鄉土志今威縣西北八里

石勒遣將孔萇擊殺之又攻李惲於上白

胡三省注在廣宗縣今威縣境鄉土志在今威縣城南

亦殺之張

賓說勒掠廣宗諸縣野穀

晉書載記賈治通鑑鄉土志

穆帝永和五年趙王石虎卒太保張豺謀誅司空李農農懼奔廣宗帥乞活保上白

城乞活者李暉田徽之餘衆也自永嘉以來屯聚於上白趙太后劉氏使張舉統宿

衛軍圍之

資治通鑑及通鑑注鄉土志

廢帝太和年間清河太守賀耕聚衆定陵以叛南應翟遼垂中子慕容農討斬之毀

定陵城

晉書載記廣平府志

按自懷帝永嘉四年至愍帝建興元年

西

僅四年中間復有漢趙固追殺王桑於

曲梁之事曲梁卽今永年距威境祇百一十里耳又自愍帝建興元年至穆帝永

和五年

己酉

三十七年據通鑑注乞活自永嘉以來屯聚於上白是四十年中無一

寧日矣况自穆帝永和五年至廢帝太和年間亦僅二十年上下復有定陵之役

治日少而亂日多人之生其間者抑何以爲情哉

又按威縣地屬平原無高山峻嶺堪資守險故可爲戰地不可爲守地戰禍卽起時亦不能延長地勢然也然兗州刺史田徽保定陵雖不久爲孔萇所殺乞活保上白城則不下四十年在事實上幾成例外况石勒掠廣宗諸縣野穀慕容農毀定陵城爾時民不聊生及地方蹂躪之情形尙堪設想耶

右晉兵事

唐武德四年劉黑闥將兵數萬進逼宗城黎州總管李世勣先屯宗城

鄉志今威縣

遂棄

城走保洺州甲子黑闥追擊世勣等破之

資治通鑑廣平府志鄉志

按自晉廢帝太和年間至唐武德四年

辛巳

威境不被兵者幾二百餘年然中間晉

孝武帝太元十一年

丙戌

燕寺人吳深據清河反燕人齊涉據新柵

今清河

翟遼遣兵

與王祖張申寇抄清河距太和年間僅二十年左右晉安帝隆安二年

戊戌

卽魏道

武帝天興二年前清河太守傅世聚黨千餘家自號撫國將軍征虜將軍庾岳討

破之距太元十一年僅十三年宋文帝元嘉五年

戊辰

卽魏太武帝神嘉三年清河

羣盜殺太守距隆安二年僅三十年雖曰戰事在清河然威清壤地相聯騷擾之

患雖五尺童子知其不免矣

興元元年朱滔既叛遣將馬實攻宗城等縣百餘日不能下李抱真與王武俊約爲

兄弟誓同滅賊遂連營進攻滔聞兩軍皆至急召馬寔寔至滔出戰武俊遣兵馬使

趙琳將五百騎於桑林

通鑑註在縣城西南鄉志經城卽今縣鎮在城北五十里

抱真列方陣於後武俊引騎兵居前趙琳自林中出橫擊之滔軍敗走

資治通鑑
鄉土志

按自武德四年至興元元年

甲子

約一百六十四年其間武德五年秦王世民劉黑

闡洛水之役

洛水有二此非威境
北洛水見前總志

天寶十四載安祿山陷廣平清河諸郡乾元二

年九節度之師潰於湓水是一百六十四年中戰事皆距威境百里內外威雖欲
爲世外桃源豈可得耶

貞元六年五月王武俊屯冀州使其子士清伐貝州取經城等縣

唐書列傳廣平
府志鄉土志

按自興元年至貞元六年

庚午

僅七年威縣兩次被兵且皆以城北作戰場威民

之受蹂躪甚矣

乾寧三年九月河東將李存信攻臨清敗汴將葛從周於宗城北

資治通鑑廣平
府志鄉土志

按自貞元六年至乾寧三年

丙辰

約一百零七年此一百七年中威境雖無兵事然

貞元十年王虔休元誼雞澤之戰會昌三年何宏敬奏拔肥鄉平恩

今邱縣
西

年韓簡拔邢洛龍紀元年李克用拔磁洛二州乾寧初龐師古破朱瑾於清河被

兵諸地非威鄰卽緊相接壤城門失火必不殃及池魚恐無是理也

天祐三年四月鎮州大將王釗攻魏州叛將李重霸於宗城

資治通鑑廣平府志鄉土志

按李存信之敗葛從周王釗之攻李重霸均在威境一爲乾甯三年事一爲天祐

三年事

丙寅

前後相距祇十有一年耳

右唐兵事

梁乾化二年趙王王鎔遣將王德明

卽張文禮也鎔惡愛之遂以爲子

將兵三萬掠武城至於臨清

攻宗城下之梁將楊師厚伏兵唐店邀擊大敗之

資治通鑑廣平府志鄉土志

按自唐天祐三年至梁乾化二年

壬申僅七年

貞明元年七月梁將劉鄩欲西襲晉陽遇雨不得進乃自邢州踰漳水東屯於宗城知臨清有蓄積欲據之絕晉糧道周德威自幽州追鄩至南宮又略鄩營而過入臨

清鄩懼引軍趨貝州

資治通鑑廣平府志鄉土志

按自乾化二年至貞明元年

乙亥僅四年

晉天福六年十二月十三日未時大破鎮州賊軍於宗城西南殺一萬五千人餘黨

走保宗城縣至夜三更破縣城是役也主帥爲杜重威賊之渠魁爲安重榮

舊五代史本紀

廣平府志
鄉土志

按自梁貞明元年至晉天福六年

辛丑僅二十七年

又按此次戰爭殺人之慘爲有心人所不忍聞雖云死者多兵士未必土著人民然兵燹所至寧能一一嚴爲區別近世國際法發達凡與軍事無關者均不許殘害有種種慣例以爲保障猶且不免濫及無辜矧五代時並無所謂國際法耶

右五代兵事

宋高宗建炎元年金將烏延胡里改攻宗城城潰胡里改又追殺千餘人

金史列傳廣平府志

鄉土志

二年金將撻懶遣兵下磁州阿里括取宗城

金史列傳廣平府志鄉土志

按自晉天福六年至宋高宗建炎元年

丁未約一百八十七年威境鄰近各地征戰

連年所在多有如洺州磁州貝州等處尤以貝州爲甚貝州者卽今與威接壤之

清河也

見方輿紀要

如後晉開運元年契丹陷貝州是年張從恩攻貝州後漢乾祐

三年契丹寇河北游騎至貝州後周廣順二年契丹入寇劉誠誨屯貝州以拒之

宋眞宗景德元年契丹直犯貝州中外震駭仁宗慶歷七年貝州宣毅卒王則據城反八年文彥博明鎬督師攻貝州由此觀之與貝州切近之威境其情況猶待問耶

又按自漢末以來大概流寇之患藩鎮之患至是金人入寇又有外族之患戰氛愈惡兵事愈急民愈不堪命矣

右宋兵事

明成祖爲盛庸所敗還走北平庸檄眞定諸將屯威縣深州邀燕歸路祿皆擊走之

明史薛祿傳并膠州志

武宗正德五年十月霸州盜起其黨楊虎趙鏊等擾河南山西自西而東踰曲周威

縣還抵文安

畿輔通志廣平府志鄉土志

按威境自宋高宗建炎二年

戊申

至明武宗正德五年

辛未

約三百八十四年威無兵

事可謂幸矣然密邇諸處兵事可攷見者邯鄲二

宋

順帝至正二十一年契丹破邯鄲元

兒總兵討山東出邯鄲

邢州二

宋

寧宗嘉定六年蒙古破邢州

洺州三

宋

寧宗嘉定六年蒙古破洺州理宗寶慶二年

宋取洛州元太祖初廣平六元順帝至正四年鹽徒郭火你赤作亂至廣平殺兵

平路二十年廣平路陷二十八年徐達磁州七宋建炎三年金人破磁州寧宗嘉

攻廣平明惠帝建文三年燕兵掠廣平磁州七定六年蒙古破磁州十年蒙古下

磁州理宗寶慶二年宋取磁州元太祖初木華黎攻下磁州元順帝數百年間流

寇外患紛至沓來威即不被兵亦安能高枕而臥哉

崇禎十一年即戊寅也十二月清師入雞澤又破臨洛威縣清河諸城康熙志廣平府志鄉土志

按自正德五年至崇禎十一年約一百二十八年威之鄰境即烽火頻警大都流

賊土寇等竄擾惟戊寅之難威城既破相繼死義者強半名流另見人志雖節烈彪炳千秋而衣冠文物蕩然一空其事亦云慘已

右明兵事

清順治六年四月山東土寇張調甫有馬數十匹不時出沒縱掠曲周威縣雞澤等

縣曲周新砦人王昌從之爲盜又驍黠橫暴大順廣道以兵擊敗之廣平府志鄉土志

按自明崇禎十一年至清順治六年已僅十二年

咸豐四年知縣李鈞善以粵匪寇臨清密邇威境招回勇百名以備不虞探訪冊

按自順治六年至咸豐四年

甲寅

約二百零六年威境無寇警各省戰事距威境亦

甚遼遠百姓尙得安堵此真不幸中之幸所惜者不久又有教匪之禍耳

五年歲大饑鄉民向縣宰李鈞善要請緩征李不允且操之急激成民變突來萬餘人用石撞北城門洶洶至縣署李怒令回勇擊退之

探訪冊

十一年春山東教匪張善繼謀反連陷邱縣曲周清河等城衆號數萬近威城一帶烽火相望人情洶洶咸欲棄城去有邱縣選貢王某來獻策曰事急矣具牛酒以迎禍可免縣令沈濟大怒曰爾敢教吾降賊耶遽命下之獄悉召城中父老勉以大義且曰吾誓與城北存亡爾等家室俱在此逃將安之吾兵雖少城尙可守不日大兵至賊自滅耳時有訛傳官內眷已潛逃者溶命內眷出謁各廟以安衆心是時城中兵寡械少捐廉募勇合在城丁壯猶不敷分布或一人守數牌有高把總振海者帶兵八十人抬銃八隨廣平府知府金鎧遊擊戎琨來威謂衆勿恐賊皆烏合衆苟固守勿患也遂謀諒沈令塞堵南北城門留東西門以便啓閉每城兵二十名抬銃二選城內丁壯分四守衛時城內有所謂柴勇回勇者柴勇因武生柴永圖統率名回

勇因回民王道成統率名亦各令登城分防教諭韓毓守東城訓導朱思榜守南城典史周煦守西城汎營吳蘭生守北城城紳尙廷謨廷俊王統彝高陽才等亦各巡城督視晝夜弗懈食復不足乃開倉以濟又約令婦女造飯老弱饋食沈令則眠食城上與人語意懇懇如家人父子民感其誠一意固守四月朔賊衆萬餘蜂擁而至圍城數日喊聲振屋瓦城外火光燭天賊携陷曲周邱縣所得鐵砲數尊向城轟擊炮聲隆隆城內居民有驚而自縊者沈溶派令嚴守各街巷口戒勿驚擾高振海復戒守陴者悉隱女牆下勿露形勿喧嚷勿發空銃何處賊可及卽潛運何處賊有背負門扇首戴釜向城而趨者稍近銃發飛彈中之鏗然鳴釜破乃負傷以竄已而賊忽譁然曰北門陷矣則皆狂奔去溶曰此給我也戒勿擾偵之果然賊故百般辱罵又揚言啓門獻城者重賞否則城破殺無遺城上寂無聲息終不爲動賊計窮會天雨乃始引去計半月間凡圍城五次

賊自四月十一日圍城後十日十二日十三日十五日屢次復來攻

卒不得一逞

先是十五日大名道王榕吉帶開州勇五百人至威反爲賊困復請正定府兵八百人會勝保前軍至賊始倉皇遁己大軍陸續到威連戰賊大敗數月平是時羣盜如

毛東匪宋景詩楊蓬嶺于洛體程順書及其妹五姑娘等東突西竄一歲過境數次所至焚掠民不聊生者數年厥後賊屢平屢起各領兵大員咸駐威城內爲大本營而威遂成重地矣事後論守城功賞有差

鄉土志
採訪冊

按自咸豐五年至十一年

辛酉
僅七年

又按有清一代威境兵患此爲最甚而捍衛地方保全危城之功亦此爲最巨

同治四年奉令辦理團練是時器械之精銳聲勢之聯絡威獨爲諸邑冠與流寇屢戰皆捷殺賊多名練勇陣亡者亦百餘人

見政事
志兵制

知縣溥福以賊匪屢次圍城守禦

維艱遂邀集各團公議修補城垣至六年工竣

採訪
冊

按自咸豐十一年至同治四年

乙丑
僅五年

六年春鹽梟王五蕭羊等兆亂聚衆數萬有騎無步剽疾奔突不易追及其南北竄擾與東匪畧同記名提督劉雲鶴派副將王來敏倪開行總兵黃名進等選精卒三千人同襲賊於城南馬莊村賊遁去

廣平府志
鄉土志

按自同治四年至六年

丁卯
僅三年

光緒十一年夏五月夜盜自城東南隅緣梯上劫儒學教諭署

冊採訪

按自同治六年至光緒十一年

乙酉僅十九年

十五年春盜突入城南門劫西商錢舖永合公知縣梅啓善率勇役尾追弗及

冊採訪

按自光緒十一年至十五年

己丑僅五年

十六年冬十月盜山城南門突進劫西商公盛布店時天色已暝大名馬隊連長王青山率隊追捕盜自東門出雙方槍擊移時盜力不支委衣於地豎作人形以疑官軍遂潛遁去

冊採訪

按埃斯蘭國民正直無苟行其地既無監獄亦無警吏溯既往千年間歷史盜竊之事僅兩見今中華素號文明古國而威又隸畿輔連年盜劫之事層見迭出豈果民之無良耶抑長民者素無教導使然耶

二十四年秋沙柳寨義和拳民趙三多率拳民擾亂城東一帶村莊先是山東冠縣梨園屯村義和拳民與天主教民因廟地起爭端激成事變趙三多本拳民遂率其黨數百人以仇教爲名廣平府知府岑春煦大名鎮吳殿元聞警馳赴縣城會同知

縣戚朝卿解散之越歲直隸總督王文韶飭令辦理保甲以靖匪氛

採訪冊

二十六年拳民復起蔓延京津間卒禍及大局清慈禧太后德宗西狩是時歲大無貧民無以聊生爭附和拳民名爲均糧實則仇教加之盜賊蜂起各鄉逃亡者十室九空教堂亦焚燒無算城中僅大名練軍哨官楊得高統帶一連與商民共登城守陣幸保無虞

採訪冊

按自光緒十六年至二十四年

戊戌

僅九年又自二十四年至二十六年

庚子

僅三年

二十七年春奉令賠償教民損失時歲凶荒歉無所籌知縣黃瑩書會議移用義倉書院底款時廣宗縣令催辦賠款派每畝穀二合鄉民抗違有武舉景廷賓者廣宗縣東召村人衆迫令進署見縣令拒不納二十八年正月五日東召村文生劉永清等邀集鄉團合操揚言進城鬧衙實則虛聲恐嚇欲縣令諭免出穀耳縣令以亂聞當道札飭大名鎮大順廣道帶兵鎮撫鄉民益危懼團結遂於二十四日與官兵戰於東召村鄉民死甚衆時廣團帖邀威團一日數至小辛永安保張台寧靖保沙明營永馨保遽將邀帖交官並稟請派勇嚴守縣界知縣程之翰轉詳當道當道